

POESIE BERGAMASCHE su giopi.net

BERGAMASCO

Ol cör e ol cél gris

Intressàcc cóme tilamóre,
i ram sitii de càrpem
i se facc intorcià
in d'ü cél
iscür e nebiùs.
La pianta, pelada
da l'aötön,
negóta la pöl
cuntra chèl föm
che l'cassa magù.

I se sfórza i pensér
a forà fò chi niòle
per indà a sircà sura de lur
öna slèmba de sul.
Ü fiür isbociàt
In primaéra o in estàt
in del prat de la zoentü.

Amò a' 'ncö, ògne tat,
a n' na spunta ergü.
I sòmèa istèss
de chèi d'öna ólta,
ma quando
i mète visì al cör,
capésse che ol gris de l'aötön
a l'gh'à cambiàt
ol colür e ol pröföm.

di **Renato Rocca**

ITALIANO

Il cuore e il cielo grigio

Intrecciati come ragnatele
i rami sottili del carpine
si sono fatti attorciliare
in un cielo
scuro e nebbioso.
La pianta, pelata dall'autunno
nulla può
contro quel fumo
che reca tristezza.

Si sforzano i pensieri
a perforare quelle nuvole
per andare a cercare sopra di loro
uno spicchio di sole.
Un fiore sbocciato
in primavera o in estate
nel prato della gioventù.

Ancora oggi, ogni tanto
né spunta qualcuno.
Sembrano gli stessi
di quelli d'una volta
ma quando
li metto vicini al cuore
capisco che il grigio dell'autunno
gli ha cambiato
il colore e il profumo.

di **Renato Rocca**